

COVID-19: Kes meningkat kepada 117, dua pesakit kritikal

AstroAwani

09 Mac 2020

Umavathi Ramayah,

PUTRAJAYA: Kementerian Kesihatan Malaysia (KKM) mengesahkan dua individu yang disahkan positif COVID-19 berada dalam keadaan kritikal.

Ketua Pengarahnya, Datuk Dr Noor Hisham Abdullah memaklumkan, kedua-dua mereka sedang menerima rawatan di unit rawatan rapi (ICU), Hospital Sungai Buloh dan Hospital Sultanah Aminah, Johor.

Beliau yang enggan mendedahkan identiti mereka itu bagaimanapun memberitahu, kedua-dua pesakit itu kini bergantung kepada alat bantuan pernafasan.

Dalam pada itu beliau turut menjelaskan, gelombang kedua wabak COVID-19 terus menyaksikan peningkatan kes apabila 18 lagi kes baharu telah dikesan sehingga jam 12 tengah hari tadi, menjadikan jumlah kumulatif kes di negara ini sebanyak 117.

“KKM masih menjalankan siasatan dan aktiviti pengesanan kontak rapat masih diteruskan,” katanya pada sidang media di Putrajaya di sini, pada Isnin.

**© 2020 Astro Awani Network Sdn. Bhd.
(535275-D) All Rights Reserved.**

Source: <http://www.astroawani.com/berita-malaysia/covid-19-kes-meningkat-kepada-117-dua-pesakit-kritikal-233027>